

Distincziun per Flurin Jacomet

(fmr/hh) La fin digl onn vargau ha *Flurin Jacomet* obteniu per sia lavur da matura igl empren premi dalla Scol'aula da teologia Cuera. Il giuven da Sedrun ha fatg la matura igl onn 2020 al gimnasi dalla claustra da Mustér. En sia lavur eis el sefatschentaus dalla banalitat dil schliet e la morala dil disengagement egl exempel concret d'ina descripziun d'Adolf Eichmann. En quella lavur ha el giu la finamira d'eruir tgei muntada ch'il fenomen dalla morala ha sil profil dil delinquent sco quei che Hannah Arendt scriva en sia teoria dalla banalitat dil schliet. Normalmein surdat la scola da teologia quels premis cun occasiun da siu «Dies Academicus». Pervia dil coronavirus ei quel denton curdaus quella ga. L'idea da surdar il premi el gimnasi dalla claustra a Mustér ei daventada l'unfrenda dil medem motiv.